

Veta gloriosa: Glamour unplugged

Nov disc cumpact e retscha da concerts da Pascal Gamboni e Rees Coray

■ (cp) Ils 13-10-2016 preschentan Pascal Gamboni e Rees Coray lur nov album. «Veta gloriosa» è in'ovra acustica betg glimada. Cun profunditad, auttezzas alpinas, spiert ed ina vista mintgatant irritanta e particulara sin la vita, ma oravant tut cun las qualitads experimentalas da Pascal sco chantatur e ghittarist e cun il bass da jazz chaud da Rees. La retscha da concerts dal disc cumpact maina els dus fin sur ils cunfins svizzers en Germania.

Trais chaussas han ils dus musicists rumantschs senza dubi en il sang: la musica, la vastadad dal mund muntagnard ed in senn particular per il revoluziunar – quiet, misterius, plaun e senza cumpromiss sco in glatscher. Tut quai han els transfurmà en tuns sin «veta gloriosa». Ils texts rumantschs maschaida Pascal tenor gust cun texts englais e qua e là cun in sample tudestg – sco en la vita reala. Il titel «Punk tradiziunal» exprima en dus plects co che la libertad schela en cun la disa dal mintgadi. «Per sgular ei il mender la peisa», hai num en «fo in punct». «Let's finally agree to disagree» en «I'm on the roof». La musica gioga latiers inschignusamain cun clischés musicals ed auters.

«Wenn's um rätoromanische Musik geht, dann fallen einem Lircas Analas ein uuuund... äh, ja, das war's dann auch schon. Dieses Jahr geht endlich ein neues rätoromanisches Musikkapitel auf: Pascal Gamboni beschert Lo-Fi-ige Glücksgefühle. Eine Perle.» Quai ha ditg SRF Virus il 2015 davart «La ventira», l'ultim album da *Pascal Gamboni*. Els din era: «Pascal Gamboni ist die Schweizer



Pascal e Rees – Veta gloriosa.

MAD

Antwort auf Beck.» Po dar. Ma nus schain: Pascal è «unic», sco sia chanzun autoironica «unics». Tge capita sch'in unicum inscuntra in auter? «I am the song is me», l'emprim duet da Pascal Gamboni e *Rees Coray* il 2012 ha mussà co ch'i tuna sche dus munds musicals s'entaupan e s'uneschian. Uss ha il duo in egnal engrondi ses program per 14 novas

chanzuns. Da lur concerts regia in'atmosfera privata nunusitada sin tribuna – bunamain sco en stiva. Musica da chombra en ina nova moda e maniera cun ina presa working-class glamour!

Gamboni è gia dapi onns in dals musicists grischuns il pli productiv ed interessant. Il 2015 ha el pudì festivar cun ses project da lo-fi «La ventira» in success en

l'entira Svizra gia daditg merità. L'emprim renum ha il musicist da Sedrun cuntanschi sco giuvenil cun il duo Cantauturs Passiunai. Suenten ha el frequentà il gimnasi da musica a S. Pieder/Feldkirch en l'Austria nua ch'el ha studegià ghitarra classica. Alura ha el vivì e rockà 10 onns – en il temp da ses projects da bands Clean (act da support da Strang-

lers durant la turnea en la Gronda Britannia il 2002), Temple Thief e Sun gone mad – en l'Engalterra. Oz viva el a Berna e viagia per l'entira Svizra enturn per dar concerts. Ensemen cun *Arno Camenisch*, il shooting star da la scena litterara svizra, ha el regalà in'atgna nota al gener da la prelecziun accompagnada musicalmain. Gamboni ha gia concertà al Festival da jazz a Montreux ed al renumà festival CMJ a New York ed è sa fatg valair il december 2015 sco meglier talent en il Radio svizzer SRF3. El fa part da numeros projects e collavura cun musicists fitg differents. Uss è el da viadi cun Rees Coray. Il bassist da jazz da professiun è dapi 10 onns en gir cun differentas furmazions da la scena da musica svizra e surpasa adina puspè ils cunfins stilistics – e quai cun success.

Datas da concert

13-10-16
Cuera, Marsöl Bar, 20.30
14-10-16
Berna, Bazaar Perle, 20.00,
Postgasse 51
15-10-16
Trun, Sala d'art, 20.15
22-10-16
Stuttgart, Westquartier, 20.00
23-10-16
Stuttgart, Pfizerstrasse 19, 17.00
25-11-16
Berna, Katakömbli, 20.15
26-11-16
Sedrun, Hotel Krüzli, 20.30